


Vicario Episcopal Pastoor Rey

Iglesia Catolico no ta acepta matrimonio entre personanan di e mesun sexo

ORANJESTAD- Aruba actualmente ta den pleno campaña electoral. Y cada partido tin nan programa di gobernacion y cu cual nan ta campaña cun'e. Ta conoci cu un di e partidonan tin como punto di gobernacion e reconocimiento di matrimonio entre personanan di mesun sexo. Y esaki a genera hopi critica entre varios denominacion religioso.

VICARIO EPISCOPAL
BON DIA ARUBA a tuma contacto cu Vicario Episcopal na Aruba, den persona di Pastoor Reyes di Parokia di Santa Cruz pa asina haya sa un poco mas di kico ta e pensamiento di Clero Catolico tocante e esaki. Segun Pastoor Reyes, Iglesia Catolico no ta reconoce matrimonio entre dos persona di e



mesun sexo. Iglesia ta reconoce solamente matrimonionan heterosexual. Matrimonio ta un sacramento sagrado entre dos persona. Pero Iglesia ta respeta e personanan aki, como ser humano. Pero no ta aproba nan estilo di bida y nan

moralidad, pa por guia Santa Iglesia su fielnan. Esunnan cu ta miembro di Iglesia Catolico, pero tambe otro denominacion cristian ta desapropa homosexualidad por completo. Obispo mes a bisa cu Iglesia no tin nada

contra di homosexualidad, simplemente e no ta algo cu por wordo acepta sin mas. Y por lo tanto, pareha homosexual lo no por uni nan mes via Iglesia Catolico, tanten cu esaki no wordo aproba door di Papa di Roma, papa Francisco.

ENSEÑANSA DI IGLESIA
Segun pastoor Rey, Iglesia ta siña nos kico ta pica y kico no. Ta cada persona ariba su mes mester sigui e reglamentonan di Dios y biba segun su enseñansa. Pero en general, segun pastoor Rey, Iglesia Catolico no ta acepta personanan cu tin tendencia homosexual. Casamento ta algo cu p'awo lo keda un prohibicion. Iglesia Catolico no ta aproba casamento homosexual. □